
Туман ҳокимининг навбатдаги қабули ўтказилди

Ўзбекистон Республикаси Президентининг Тошлоқ тумани Халқ қабулхонасида туман ҳокими А.Джурабаевнинг навбатдаги қабули ўтказилди.

Унда 50 нафардан ортиқ фуқароларнинг мурожаатлари эшитилди. Ҳар бир мурожаат мутасадди ташкилот ва корхона раҳбарлари иштирокида кўриб чиқилди. Моддий ёрдам ажратиш, ишга жойлашиш, имтиёзли кредит олиш, газ, сув, электр таъминотини яхшилаш каби 20 га яқин мурожаатлар жойнинг ўзида ижобий ҳал этилди, қўшимча ўрганиш, муддат талаб этилганлари эса назоратга олинди.

Айрим мурожаатларга ҳуқуқий маслаҳатлар берилди, ўнга яқин мурожаатлар эса жойида ўрганиш талаб этилганлиги учун сектор раҳбарлари томонидан назоратга олинди.

Шунингдек қабул сўнгида туман ҳокими кунлик ва сайёр қабуллар давомида қабул қилинган мурожаатларнинг ижобий ҳал этилиш даражасини ҳам муҳокама қилди. Белгиланган муддатда ижро этмаган, мурожаатларни ижобий ҳал этилишига бефарқ бўлган масъулларга огоҳлантиришлар берилди.

Тошлоқ тумани ҳокимлиги Ахборот хизмати

2021-11-25 17:46:12